

YAMESI

Pepa Yamesi ingere panzi kalo-tawana tamâta

Yamesi nde Yesu tai (Matai 13:55, Galesia 1:19), aku imo poe tamâta panzi kalo-tawana tamâta simo Jerusalem lawea (Pâri Tamâta 12:17, 21:17-18). Ingere ngua njine ilâ panzi Juda tamâta njinde kalonzi tawana Yesu Kirisi njinnga sikai nâna njana, kala sikâwa pwapwataki silâ kala simo piti piti lâ tâno pinde. Yamesi itula ngua arara njana vetâja pinde kinda kalo-tawana tamâta ma tapaveta kuku. Iporo tu ambo nenda kalo-tawana njandai igagati kinda njana taveta vetâja ara pinde nga, ande nenda kalo-tawana nde mao tia. Kinda ma tapakatona kawânda ngua sondo ndo, ku ma tapatawa tininda ku takai nonja pa Maro Njalae.

¹ Naŋa Yamesi, naŋa amo Maro Kindeni kuku Yesu Kirisi rua nenzi wurâta tamâta. Naŋa angere ngua lâ pepa njine tini imâ pa miki kalo-tawana tamâta lâ Isrel ngu saŋao kanaanomi rua, miki njinde kala muŋga kapile nemi lawea tina, aku kalâ kamo pwapwataki lâ tâno pinde. Naŋa aporo kari ara pa miki rârâni.

Malia kie-kie uru isuka kinda njana tamandi kaika kê

² Niŋgu-nambwe wukale, ambo malia kie-kie ma ipânnga pa miki njana ikai samâja pami, ande

ara nana miki ma kaporo ngua lâ warakami ilomi mine tu, “Nana ma andeka pâta.”

³ Miki kasama tu ambo vetâna tonje ma ipânja nana ikai samâna pa nemi kalo-tawana kâ, ande vetânani ndaina isukami nana kamandi kaika ku kakale malia ndia rârâni.

⁴ Aku ara nana miki ma kamandi kaika mine nâ ku kakale nemi malia ikura zo rârâni. Ambo nemi kalo-tawana ma ikeno kaika mine ku imo nâ, ande miki ma kamo kalo-tawana tamâta sondo ndo, ikura Maro Kindeni ne pateâna mine, aku miki ma kakura ndo nana kaponu muli papa i.

Ambo tamâta tonje iroto nana ilo-kalo ara kâ, ande ara nana i ma ikai noja pa Maro Kindeni nâ

⁵ Ambo tamâta tonje lâ miki nginimi iroto nana ilo-kalo ara kâ, ande ara nana i ma ikai noja pa Maro Kindeni tu ma ilo-kalo ilua i. Ambo tamâta ninde iveta mine, ande Maro Kindeni ma ipalojo pa i ne noja. Nana tu Maro Kindeni uru kelekele arara kie-kie ilanzi tamâta rârâni, aku i nandai tini pwâka nananzi ku imbitanzi nana nenzi noja nga.

⁶ Taitu ara nana tamâta ninde ma kalo tawana kaika munja lâ nga, njineja ikai noja pa Maro Kindeni. Ambo tu i ilo rua-rua kala iporo pa tamwata mine tu, “Tiambo Maro Kindeni ma ipalojo pa nanengu noja ku ilo-kalo ara ilua nana, tiya?”, ande ngua kaja mine nde ara tia. Tamâta ea ilo rua-rua mine, ande i itogo tâi ne kâla ninde lawea ikai kâki ku imbwa potomule mine.

⁷ Ambo tamâta mine itu Maro Njalae ma sâ tonje ilua i, ande i ne ilo-kalo njinde nde soki ndo,

⁸ nana tu i nde tamâta nana ilo rua-rua kâ. Mine kala i ne vetâna rârâni ikeno sondo tia ndo.

Yamesi itula ngua panzi sugorai tamwatanzi wa kinzi mbaliņa warakanzi wa

⁹ Ambo kalo-tawana tamâta tonje imo sugorai, i ne kelekele rârâ tia, ande ara nana i ma indeka nâ, nana tu Maro Kindeni isuka i kâki.

¹⁰ Ambo kalo-tawana tamâta tonje imo itogo mbaliņa warika mine, ande ara nana i ma indeka lâ zo ndia i ipânğa sugorai tamâta, nana tu tamâta ea kinzi ilonzi njalae koņa tu sigona tâno ne mbaliņa rârâ, ande kinzi njinde nenzi via ma muli marumbu lâ, itogo unza ne mâle mine.

¹¹ Kinda tasama tu lâ zo nana kari ikâki kâ, ande kari uru iveta nia nâna ndo, aku ikana unza ngâla-ngâla ndo lâ. Njineņa unza ne mâle siyauru sindue, aku ne siņgâra ara marumbu ndo. Aku mine nâ, kinzi mbaliņa warakanzi ma siveta nenzi wurâta lee, njineņa walele nâ nenzi via ma marumbu lâ.

Maro Kindeni ilaņe kinda nana taveta kiesaka kâ, ande tia ndo

¹² Tamâta ea uru imandi kaika ku ikale malia ikura zo rârâni, ande i ikura tu indeka. Ambo i ma ipole samâņa njinde rârâni, aku ne kalo-tawana imbe tia, ande Maro Kindeni ma via mao ilua i itogo ne kulu mine, aku ma imo ara mine ku imo nâ. Munğani Maro Kindeni ipa ngua tu

ma via mao ilanzi tamâta rârâni ñinde ilonzi ndo keno pa i.

¹³ Ambo kelekele tonje ma igagati tamâta tonje ilo ku ilaṅe i ṅana iveta kiesaka kâ, ande i ma iporo mine tu, “Maro Kindeni ilaṅe ṅana kala aveta kiesaka”, mine ndimo. ṅana tu kiesaka tonje ikura tu ilaṅe Maro Kindeni tia ndo, aku Maro Kindeni ilanenzi tamâta ṅana siveta kiesaka kâ, ande tia ndo kanaṅo.

¹⁴ Taitu kindi tamâta warakânda taitu-taitu ilonda uru igagati kindi ku ilaṅe kindi ṅana taveta kiesaka kâ. Ilo-kalo sakamao uru iveta mona-mona pa kindi, aku ñinde iveta ilonda kâki ṅana taveta kiesaka kâ.

¹⁵ ṅinenga ilo-kalo sakamao ñinde ipulia kiesaka ipâṅga lâ ilonda kalonda, itogo taine ipagugua natu mine. Aku muli nga kiesaka ma itumbu ṅalae, ande ma ipagugua mateṅa lâ ilonda kalonda.

¹⁶ Ningunambwe wukale, ṅana ilonṅu ndo keno pami. Miki ma ilomi kalomi soki-soki ku kapalâṅe warakami ndimo.

¹⁷ Kelekele ara ndia kindi takai, ande Tamânda imo samba ilo io kelekele ñinde ndoni indue imâ pa kindi. Inani muṅga ipulianzi samba ne sinâla ndoni, aku i ma ilele tamwata ne vetâṅa, ande tia. Kari uru ikâki ipane nia lee indue, ṅinenga nia ṅaṅa lâ; andeta Maro Kindeni ipalele mine tia ndo.

¹⁸ Nanayoni i ilo pateo tu ne ṅgua mao ma ipulia via ipâṅga lâ ilonda. I ilo tu kindi ma tamuṅga panzi tamâta ṅu rârâni wa kelekele ndia rârâni i muṅga ipulianzi sipâṅga ñinde,

tatogo kâpwa wasaseki ipângga munğâğa lâ tâno ilo mwasina.

Ambo kinda tañânda nâ talojo Maro Kindeni kawa ngua, ande njinde nde ara tia

¹⁹ Njingu-nambwe wukale, naña ilonju ndo keno pami. Miki kalomi ngere sondo nana njine kâ; ara nana miki rârâni taitu-taitu ma katambira tañami walele nâ nana kalonjo Maro Kindeni kawa ngua. Taitu miki ma kaporo katula ngua walele ndimo, aku ma wisimi nâna walele ndimo.

²⁰ Nana tu Maro Kindeni ilo tu kinda ma taveta vetâña ara lâ i nao, andeta kinda tamâta nenda wisi-nâna nandai isuka kinda nana taveta mine nga.

²¹ Mine nde ara nana miki ma kapile vetâña ndia uru iveta ilomi muso, aku kapile vetâña sakamao rârâni njinde kala ipângga njalae lâ tâno kulu. Ara nana miki ma kapatawa warakami tinimi ku kaponu muli sondu pa Maro Kindeni kawa ngua, ngua njinde i uru io lâ ilomi kalomi. Nana tu ngua njinde ikura tu iyautemi piti lâ kondoma ilo ku via mao ilami.

²² Miki ma kalonjo Maro Kindeni kawa ngua njinde lâ tañami nâ ndimo. Ambo miki ma kalonjo kaa nâ, ande miki ma kapalâņe warakami. Ara nana miki ma kapaveta kuku ngua njinde ku koka muli.

²³ Ambo tamâta tonje ilonjo Maro Kindeni kawa ngua, andeta ilonjo kaa nâ kala ipaveta kuku tia, ande tamâta njinde itogo tamâta imora tamwata nao lâ ndunju ilo.

²⁴ I imora tamwata nao lâ, ñinenğa iyoka ilâ, aku walele nâ i kalo kapa tu i nao kilala mana.

²⁵ Taitu Yesu Kirisi ne ñgua tukuña sondo ñinde imbware kiesaka ne kaika ku iveta kinda tamo soo nâ. Mine kala tamâta ea uru kalo ñgere sondo ñana Maro Kindeni kawa ñgua ku ipaveta kuku, ambo i ma kalo kapa ñana tia, ande Maro Kindeni ne nzâmbe ma ikeno pa tamâta ñinde ne wurâta tava ne vetâña rârâni.

²⁶ Ambo tamâta tonje ilo mine tu, “Naña nde kalo-tawana tamâta ara”, andeta i ñandai ikatona tamwata kawa ñgua sondo ñga, ande tamâta ñinde ikai lajeña pa tamwata, aku ne kalo-tawana nde kelekele kaa nâ.

²⁷ Ambo tamâta tonje ne kalo-tawana ikeno sondo ndo lâ Maro Kindeni nao, ne soki tonje tia, ande tamâta ñinde ma uru iveta mine; i ma ilo ñananzi lâlu mundoro wa kinzi taine mwala-mwala wa, ku ma isukanzi ñana nenzi malia kie-kie kâ. Andeta ñinde nâ tia; i ma ipakatona tamwata sondo tona, ñana tâno ñine ne vetâña potomule ma ikura tu iveta i ilo muso lâ Maro Kindeni nao, ande ma tia.

2

Ara ñana kinda ma taveta vetâña kie taitu nâ panzi tamâta rârâni

¹ Ningunambwe wukale, Maro Kindeni kilala ipânga nia yo lâ nenda Maro Yesu Kirisi tini, aku nemi kalo-tawana ikeno pa i. Mine nde miki ma kaveta kemi ara panzi mbaliña warakanzi, anğa kapu mulimi panzi sugorai tamwatanzi, mine ndimo.

² Ambo tamâta rua ma soka lombo simâ nemi luma nana pasauņa kâ ilo nana sipanea Maro Kindeni kâ, aku tamâta tonje lâ kinzi rua ipasawa pasawaņa ara ndo ku io siņgâra “gol” lâ mbau sili, anga tamâta tonje nde imo sugorai, ne pasawaņa ara tia;

³ ambo miki ma kaveta kie ara papa tamâta ninde, i ne pasawaņa ara, aku kano tu, “Noko kumâ kusaņaona saņonâņa nia ara nine”, andeta miki ma kaveta maņeti pa sugorai tamâta ninde ku kapai tu, “Noko kulâ kumandi lâ nia ngaņe ndai”, tâku, “Kusaņaona tâno kulu lâ naņa kenju tini laiti”;

⁴ ambo miki ma kaveta vetâņa kie mine, ande ninde itogo miki kapateanzi tamâta simo piti-piti ikura warakami nâ nemi ilo-kalo soki-soki. Aku ninde itogo miki kapâņa katogonzi ngua-samâņa tamâta ninde simo tava ilo-kalo sakamao nâ.

⁵ Niņgu-nambwe wukale, naņa ilonju ndo keno pami. Miki kalonjo nga; Maro Kindeni ilo panzi tamâta ea simo sugorai lâ tâno tamâta naonzi, aku nanayoni ipatea tu nenzi kalotawana ma ipâņa njaļae ndo. Aku ipatea tu ma ikai maro panzi tona, kala ma simo i ne nju. Muņgani i ipa ngua tu ma ikai maro mine nâ panzi tamâta ea ilonzi ndo keno pa i.

⁶ Anga miki uru kaveta maņeti panzi sugorai tamwatanzi. Opopo, kalomi ngerere sondo nga; ea kinzi uru sitawa miki ndue ku sio malia kâki lâ kulumi, a? Aku ea kinzi uru sikaimi kalâ pa ngua nia, a? Kinzi mbaliņa warakanzi nâ siveta kenzi mine pami!

⁷ Yesu Kirisi ɲa ikeno miki tinimi, andeta kinzi mbaliɲa warakanzi nâ uru siporo ɲgua pavaligiɲa pa Yesu ne ɲoa ara ɲinde.

⁸ Kinda nenda koipu ɲalae Maro Kindeni ne tukuɲa ikeno lâ pepa tini mine tu, “Noko ma tini mwasa panzi tini pinde itogo noko tini mwasa pa tamwata mine”. Ambo miki ma kapaveta kuku ɲgua tukuɲa ɲinde, ande ɲinde ma ara ndo.

⁹ Taitu miki kalonjo ɲga; ambo miki ma kaveta kemi ara panzi mbaliɲa warakanzi, andeta ma kapu mulimi panzi sugorai tamwatanzi, ande miki kaveta kiesaka, aku ɲgua tukuɲa itula kilalami pwataki tu miki nde tamâta ɲana kapu ɲgua tukuɲa ututu.

¹⁰ Ambo tamâta tonje uru ipono muli pa ɲgua tukuɲa rârâni, andeta ipu ɲgua tukuɲa taitu nâ utu, ande ɲinde itogo ilaɲa ipole ɲgua tukuɲa rârâni.

¹¹ Kinda tasama tu Maro Kindeni itula tukuɲa tonje pwataki mine tu, “Noko ma kuveta saka-mao kuku tamâta tonje kaiwa ndimo”. Aku ina kala itula tukuɲa tonje pwataki mine tu, “Noko ma kupu tamâta pâta imâte ndimo”. Mine kala, ambo noko kupo no muli pa ɲgua tukuɲa ɲana pakâeɲa kê, andeta kupu tamâta tonje pâta imâte, ande noko kupâɲga tamâta ɲana kulaɲa kupole ɲgua tukuɲa kê.

¹² Miki kalomi ɲgere sondo ɲana ɲine kê; Yesu Kirisi ne ɲgua tukuɲa ɲana tini-mwasa kê imbware kiesaka ne kaika ku iveta kinda tamo soo nâ, aku Maro Kindeni ma ilea pa tukuɲa ndainani nâ lâ zo ɲinde kinda ma tamandi lâ i

ne ŋgua nia. Mine nde ara ŋana miki ma kaporo wa kaveta ikura tukuŋa ŋinde kilala mine.

¹³ Ŋana tu lâ zo ŋana Maro Kindeni ma ipare nia panzi tamâta kê, tamâta ea muŋga ŋandai kalo sukâŋa ŋananzi i tini pinde, ande Maro Kindeni ma kalo sukâŋa ŋana tamâta ŋinde, ande tia. Mâsi ŋana kalo-sukâŋa kê nde ŋalae ndo, ipole pareŋa-nia ne mâsi.

Nenda vetâŋa itula nenda kalo-tawana kilala pwataki

¹⁴ Niŋgu-nambwe wukale, ambo tamâta tonje iporo tu, “Naŋa kalonŋu tawana Yesu Kirisi”, andeta i ŋandai iveta vetâŋa ara pinde ŋga, ande tamâta ŋinde ne kalo-tawana nde kelekele kaa nâ. Tiambo kalo-tawana kie mine ikura ŋana iyaute tamâta ŋinde piti lâ kondoma ilo ku via mao ilua i, tiya? Tia ndo!

¹⁵ Ambo kalo-tawana tamâta tonje i ne lalava ara tonje tia, aku i kê kaniŋa kala keno tia,

¹⁶ ambo tamâta tonje lâ miki ŋginimi ipai tu, “Maro imo kuno! Noko kulâ, aku kupita lalava ara lâ tini wa kuka kaniŋa ŋana ma kapwa pupuro kê”; ambo tamâta ŋinde ma iporo ŋgua kaŋa mine, andeta i tamwata tini pwâka ŋana isuka sugorai tamâta ŋinde ŋana lalava wa kâpwa wa, ande i ne ŋgua ma isuka tamâta ŋinde mâsi mana, a? Tia ndo!

¹⁷ Aku nenda kalo-tawana kilala kala ikeno mine nâ. Ambo tamâta tonje ne kalo-tawana ŋandai igagati i ŋana iveta vetâŋa ara pinde kê, ande ŋinde itogo i ne kalo-tawana nde imâte lâ.

¹⁸ Tamâta pinde uru siporo pa nawalanzi tu, “Noko kalo tawana Maro Kindeni, anğa naņa uru aveta vetâņa ara pinde”. Taitu naņa ilongu tu atu ŋgua lâ kawanzi mine tu, “Ambo noko kalo tawana Maro Kindeni, andeta noko ŋandai uru kuveta vetâņa ara pinde, ande naņa ma akura tu asama noko ne kalo-tawana ŋinde kilala pwataki mâsi mana, a? Ambo taitu naņa warakângu ma aveta vetâņa ara pinde, aku ŋine ma itula pwataki pa noko tu nanenğu kalo tawana nde mao nâ.

¹⁹ Noko uru kutula ne kalo-tawana pwataki mine tu, ‘Maro Kindeni simbo nâ nde Maro mao’, aku ŋgua ŋinde nde ara ndo. Andeta kuloŋo ŋga; kinzi koroani saka kala uru kalonzi tawana mine nâ, aku ŋine iveta kinzi siruru pâta kanaņo!

²⁰ Noko kulu kâmba tia ndo! Ambo noko ne kalo-tawana ŋandai igagatino ŋana kuveta vetâņa ara pinde kâ, ande noko ne kalo-tawana nde kelekele kaa nâ.” Kala ŋine naņa ma atula ŋgua ŋine ne duvi pwataki.

²¹ Muņa, kinda timbunda Abraham io i natu Isaka kâki mira kulu ŋana ipu pâta imâte ku ilua Maro Kindeni itogo patarawâņa mine. Lâ zo ŋinde, Maro Kindeni ilo ara ndo ŋana Abraham ne kalo-tawana kâ, aku imora Abraham tu i tamâta ŋana ilo mbâra-mbâra kâ.

²² Miki kalomi ŋgere sondo ŋga. Abraham ne kalo-tawana nde ilâ taitu kuku i ne vetâņa, aku i ne vetâņa nde iveta ne kalo-tawana ipânga mao.

²³ Mine kala Maro Kindeni kawa ŋgua ipânga kanaņo. I ne ŋgua ikeno lâ pepa tini mine tu,

“ ‘Abraham io ne kalo-tawana ilâ pa Maro Kindeni, aku ñana duvi ñinde kâ ipânga ilo mbâra-mbâra lâ Maro Kindeni nao.”

Aku muli nga Maro Kindeni iporo ngua ñana Abraham mine tu, “Abraham nde imo naña niŋgu-nambwe.”

²⁴ Kala ñine nga miki kasama tu kalo-tawana lajeña ikura ñana iveta tamâta tonje ipânga ilo mbâra-mbâra lâ Maro Kindeni nao, ande tia. Kalo-tawana mao uru ipulia vetâña ara pinde, aku kalo-tawana kie mine nâ ikura ñana iveta tamâta ipânga ilo mbâra-mbâra lâ Maro Kindeni nao.

²⁵ Muŋga, nzâla taine tonje imo, i ña mine Rahap. Kinda timbunda Yosua ionzi zugu tamâta rua soka paveâña nâ silâ pa Rahap ne lawea, ñana sisama kazâña tamâta ñinde nenzi kaika, aku Rahap iveta kie ara panzi. Ivezani lâ ne luma ilo lee, ñinenğa ionzi soka ara lâ nzâla tonje siŋgeŋge ñana kazâña kâ ku sitaulo kilo. Maro Kindeni imora Rahap ne vetâña ara ñinde, ande kala iveta i ipânga ilo mbâra-mbâra lâ i nao.

²⁶ Kinda tasama tu ambo koroani ipile tamâta tonje karae, ande tamâta ñinde nde imâte lâ. Aku mine nâ, ambo tamâta tonje ne kalo-tawana ñandai igagati i ñana iveta vetâña ara pinde, ande ñinde itogo i ne kalo-tawana nde imâte lâ.

3

Kinda ma tapakatona sondo ñana kawânda ngua kâ

¹ Niŋgu-nambwe wukale, ambo tamâta rârâ lâ miki ŋginimi situ sikai wurâta ŋana sipanananzi tamâta ŋana Maro Kindeni kawa ŋgua kê, ande ŋinde ara koŋa tia. Nanenŋu ŋgua ŋinde nde duvi mine; lâ zo ŋana kindi tamâta rârâni ma tamandi lâ Maro Kindeni ne ŋgua nia, ande i ma io mata ilea kaika pa maka pananâŋa tamâta nema vetâŋa.

² Kindi rârâni taitu-taitu uru taveta vetâŋa potomule pinde. Andeta miki kaloŋo ŋga; ambo kalo-tawana tamâta tonŋe ma iporo ŋgua ara nâ, ande tamâta mine ma imo tamâta sondo ndo, aku ma ikura ŋana ipakatona tamwata tini ndoni sondo.

³ Kindi uru tao “aini” mbuku pinde lâ hosi kawanzi ilo, ŋana iveta kinzi silâ ikura ilonda papa mine. Ambo takatona kinzi hosi kawanzi mine, ande kindi takura tu takai poe pa tininzi ndoni.

⁴ Aku miki kalomi ŋgere ŋana wâŋga ŋalaŋala nenzi vetâŋa kê tava. Wâŋga nde kekekele ŋalae tina, aku lawea uru iyoka more-more ŋalae ku izuzuŋa wâŋga ikâwa tâi kulu ilâ. Anŋa wâŋga ne poe nde kekekele kiri-mwata nâ. Andeta kalomi ŋgere ŋana ŋine kê; ambo wâŋga warika itambulilia poe kiri-mwata ŋinde, ande wâŋga ma nao sori lâ, ku ma ilâ papa nia ndia wâŋga warika itu ilâ papa.

⁵ Aku mine nâ, kindi kawânda nde karaenda ne pinde-pinde kiri-mwata nâ. Taitu i uru ipasuka tamwata tini kêki ndo. Aku kalomi ŋgere ŋana yââ tona. Yââ tini-mwata nâ ikura tu igagati yââ ŋalae tina ku ikananzi kêi rârâni

lâ dugu ilo.

⁶ Aku kinda kawânda kala itogo yââ mwasina. I nde karaenda ne pinde-pinde taitu nâ, ambo taitu i uru ipulia vetâña sakamao kie-kie rârâ. I uru iveta karaenda ndoni ipânnga muso, aku iveta nenda vetâña ndoni ipânnga soki-soki, itogo yââ ikana kekeleke ndoni mine. Aku yââ ñinde nde iyoka pa yââ ñalae ne mbââ ilo kala imâ kawânda ilo.

⁷ Kinda tamâta takura ñana takai poe panzi simbi ñgoi kie-kie, kinzi sii wa mwâta wa kekeleke rârâni uru simo tâi ilo wa. Mao nâ, kinda taveta kinzi simbi ñgoi rârâni simo kalonda marumbu lâ.

⁸ Taitu tamâta tonje ikura ñana ikai poe sondo pa tamwata kawa, ande tia ndo. Ikura zo rârâni, kinda kawânda pakâe ku taporo ñgua sakamao. Kinda kawânda nde itogo mwâta saka mwasina, aku ñinde itogo kawânda ikura ñana ipu tamâta pâta imâte.

⁹ Kinda kawânda taporo ñgua pinde ñana tapanea nenda Maro Ñalae kâ, ina kinda Tamânda. Andeta taporo ñgua sakamao pinde ñana tayaulanzi tamâta kâ tona, kinzi ñinde Maro Kindeni munja io tamwata kilala lâ tin-inzi.

¹⁰ Kinda kawânda nde kekeleke taitu nâ, andeta ñgua kaña rua uru ipânnga lâ kawânda ilo. Paneâña ne ñgua uru ipagema kuku ñgua sakamao. Niñgu-nambwe wukale, vetâña mine nde ara tia ndo.

¹¹ Lââ ara ne keve tonje ikura tu ipulia tâi tava, ande tia.

¹² Ninggu-nambwe wukale, kâi mbimu ikura ñana ipulia nâto kanaño, ande tia, anğa kâi wâwâe ikura ñana ipulia mbimu kanaño, ande tia. Aku mine nâ, tâi ikura ñana ipulia lââ ara kâ, ande tia. Mine nde mana mana ñga kinda kawânda uru iporo ñgua kaña rua, a?

Ambo tamâta tonje ne ilo-kalo nde sondo, ande i ma iveta vetâña ara

¹³ Ambo tamâta tonje imo miki ñginimi tava ilo-kalo sondo, ande i ne vetâña rârâni ma itula ne ilo-kalo ñinde pwataki. I ma ipatawa tamwata tini ku ma ipono muli pa vetâña ara, itogo i ne ilo-kalo sondo kilala mine.

¹⁴ Anğa tamâta ea uru ipadâda ñananzi tamâta pinde, aku imo iroto nzâla ñana ipasuka tamwata tini kâ, ande tamâta mine ma indeka ku iporo tu, “Nanenğu ilo-kalo nde ara nâ”, mine ndimo. Ñgua kaña mine nde ñgua lanjeña nâ.

¹⁵ Ilo-kalo kie mine ñandai iyoka pa samba indue imâ ñga. Ñinde nde tâno nâ ne ilo-kalo, aku ñinde nde ilo-kalo potomule lâ Maro Kindeni nao. Sadana nde imo ilo-kalo kie mine warika.

¹⁶ Miki kalonjo ñga; tamâta ea kinzi uru sipadâda ñananzi tamâta pinde, aku simo siroto nzâla ñana sipasuka warakanzi tininzi kâ, ande tamâta ñinde silaña sipole ñgua tukuña, aku uru siveta vetâña potomule kie-kie rârâni tona.

¹⁷ Anğa ilo-kalo ara iyoka pa samba indue imâ, aku ilo-kalo ñinde nde kie tonje. Tamâta ea kinzi sikai ilo-kalo ñinde, kinzi ñinde ma siveta vetâña sondo lâ Maro Kindeni nao. Kinzi ma simo ilonzi kalonzi taitu kunzi tininzi pinde, ku

ma naonzi mwasa nâ panzi. Kinzi ma sipatawa warakanzi tininzi, ku ma kalonzi sukâña ndo ñananzi tininzi pinde. Kinzi ma siveta vetâña ara kie-kie, ku ma siveta vetâña kie taituni panzi mbaliña warakanzi wa kinzi sugorai tamwatanzi wa. Kinzi nenzi vetâña ma irerege kuku kawanzi ñgua.

¹⁸ Ambo wisi-pisi ne mâsi ma imo ñgininda, ande ñinde itogo kinda tapau kaniña vâsa lâ tâno ilo. Aku muli, ñineña vetâña arara kie-kie ma ipânga lâ ñgininda, itogo kâpwa ara ipânga tâno ilo mine.

4

Tamâta ea ipono muli pa tâno ne vetâña, ande i imo Maro Kindeni ne kazâña tamâta

¹ Pambitâña tava pawaña rârâ uru ipânga lâ miki ñginimi. Aku ñinde nde duvi mana, a? Ñinde miki kasama lâ. Miki uru ilomi kâki ñana kagona mbaliña kie-kie, aku ñinde iveta paraña ipânga lâ ilomi kalomi.

² Miki ilomi ñalae koña tu kagona mbaliña kie-kie, andeta miki ñandai kakai ñga. Mine kala miki uru kapunzi tamâta pâta simâte. Miki ilomi yosi pa mbaliña, taitu miki kakai, ande tia. Mine kala miki uru kapawa sakamao ndo wa kaveta paraña wa. Miki ñandai kano pa Maro Kindeni tu ma mbaliña ilami ñga, aku ñana duvi ñinde kâ, ande miki kakai mbaliña ñinde tia.

³ Aku lâ zo ñana miki kakai noña pa Maro Kindeni tu i ma mbaliña ilami, ande miki kakai tia, ñana tu nemi ilo-kalo nde soki-soki. Miki

ilomi tu kakai mbaliŋa ŋana kandeka ku katambira kaa nâ, aku kalomi kapa ŋana Maro Kindeni kâ.

⁴ Miki nde katogo taine tonje ipile kaiwa tamâne ku ilâ itambira tini potomule! Miki kalonjo ŋga; ambo tamâta tonje ilo pa tâno ŋine ne vetâŋa wa kelekele wa, ande ikai kazâŋa pa Maro Kindeni. Tiambo miki kazizâla ŋana ŋinde kâ, a? Tamâta ea ilo tu iveta mete kuku tâno ŋine ne vetâŋa, ande i imo Maro Kindeni ne kazâŋa tamâta.

⁵ Maro Kindeni kawa ŋgua ikeno lâ pepa tini, aku ŋgua ŋinde itula pwataki tu i io Koroani Sapâŋa imâ ilonda lâ, aku Maro Kindeni ilo ŋalae tu kinda ma tao ilonda ndo ilâ papa i simbo nâ. Tiambo miki katu ŋgua ŋine nde ŋgua kaa nâ, a?

⁶ Taitu Maro Kindeni ne wisi-wisi nde imâ ŋalae ndo pa kinda. Mine kala i kawa ŋgua ikeno lâ pepa tini mine tu,

“Tamâta ea kinzi uru sipasuka warakanzi nâ tininzi, ande Maro Kindeni ikai kazâŋa panzi; anja i ne wisi-wisi ikeno panzi tamâta ea uru sipatawa warakanzi tininzi.”

⁷ Mine nde ara ŋana miki ma kapatawa warakami tinimi lâ Maro Kindeni nao, aku kapaveta kuku i kawa ŋgua. Ambo miki ma kakai kazâŋa pa Sadana, ande i ma ipilemi ku ikâwa ilâ.

⁸ Ambo miki ma kalâ kamo Maro Kindeni tini laiti, ande i kala ma imâ imo ku miki mine nâ. Miki kiesaka tamwatami, ara ŋana miki ma kapaveta kuku vetâŋa ara nâ, itogo tamâta ipua mbau ŋana ipâŋga tini mbâra-mbâra kâ.

Aku miki tamâta ea kamo tava ilomi kalomi rua-rua nâ, ande ara ñana miki ma kasoki ilo-kalo sakamao ikeno ilomi ñinde piti, ñana ilomi ma ipânga mbâra-mbâra kâ.

⁹ Ara ñana miki ma kalomi ñgere ñana nemi vetâña soki kâ, aku kalomi sukâña wa ilomi malia wa kata ñalae wa. Miki tamâta ea uru kandeka ñana nemi vetâña soki kâ, ande ara ñana miki ma kapalele ku kamo tava ilomi malia ndo.

¹⁰ Ambo miki ma kapatawa warakami tinimi lâ Maro Ñalae nao, ande i ma isuka miki kâki.

Kinda ma tasowe ñgua sakamao ilâ panzi kalo-tawana tamâta ndimo

¹¹ Niñgu-nambwe wukale, miki ma kaporo ñgua sakamao ilâ panzi ninda-nambwe kalo-tawana tamâta ndimo. Tamâta ea isowe ñgua sakamao ilâ pa ninambwe kalo-tawana tamâta wa italea i wa, ande ñinde itogo tamâta ñinde italea ku iporo ñgua sakamao pa Maro Kindeni ne tukuña tona. Aku lâ zo ndia noko kutalea tukuña ñinde, ande noko kupu muli papa marumbu lâ, aku kupamorai tu noko nde ñalae kala kupole tukuña.

¹² Taitu Maro Kindeni simbo nâ ipulia ñgua tukuña, aku i simbo nâ ma ipare nia panzi tamâta. I simbo nâ ikura ñana iyautenzi tamâta ku via mao ilanzi, aku i simbo nâ ikura ñana izavarunzi kâ. Mine kala noko nde ea kala kutu kutalea ñgua ilâ panzi noko tini pinde, a?

Kinda ma tapasuka warakânda tininda ndimo

¹³ Miki tamâta pinde uru kaporo ngua mine; “Tiambo nainani tâku mbwale tâku, ande naña ma ayoka alâ pa lawea tonge, aku ma akai wurâta nana mbaliña kâ ikura mbwera taitu.” Ayo, noko tamâta ea uru kuporo ngua kaña mine, ande kuloño nga;

¹⁴ Noko nandai kusama nana vetâña ndia ma ipânga lâ mbwale kâ. Noko ne via nde itogo mundo ipânga ku imo zo tini nâ, ninennga walele nâ marumbu ndo, aku nao tia lâ.

¹⁵ Mine nde ara nana noko ma kuporo ngua kaña mine; “Ambo Maro Nalae ma isâu pa naña, ande naña ma amo viânggu, ku ma aveta wurâta ninde ilongu tu aveta.”

¹⁶ Andeta miki uru kapasuka warakami tinimi. Miki kapandekâna warakami, andeta kalomi kapa ndo nana Maro Kindeni kâ. Aku vetâña rârâni kie mine nde vetâña sakamao ndo.

¹⁷ Miki rârâni taitu-taitu kalomi ngere sondo nga; ambo Maro Kindeni itula vetâña ara tonge pa noko tu kuveta, andeta noko nandai kuveta vetâña ninde nga, ande ninde nde kiesaka.

5

Ngua kaika ilâ panzi mbaliña warakanzi

¹ Kala nîne naña atu aporo ngua pinde pa miki mbaliña warakami. Malia nalanala kie-kie nde nao laiti nana ipânga pami kâ. Mine nde ara nana miki ma kakai kalo-kalo ku kata nalae.

² Miki nemi mbaliña wa kekelele rârâni nde nao tia lâ, aku nzirika sika nemi lalava arara rârâni marumbu lâ.

³ Miki nemi “gol” wa “silva” wa, ande take kana lâ. Aku lâ zo ñana Maro Kindeni ma ipare nia panzi tamâta kâ, ande take kana ñinde ma itula nemi kiesaka ipânga nia yo, aku ma ikana miki karaemi itogo yââ mine. Zo imâ ipânga laiti lâ ñana tâno ñine ne zo ma marumbu kâ, taitu miki kamo kagona mbaliña nâ.

⁴ Miki kalomi ñgere sonde nga; munga, tamâta pinde sikai wurâta pami lâ nemi tâno ilo, andeta miki kakai lajeña panzi ku katoto nenzi mbumbu pinde. Aku mbumbu ndainani nâ nde isarâwa pa Maro Kindeni tu ma ipare nia pami ñana nemi vetâña sakamao ñinde kâ. Aku nemi wurâta tamâta ñinde nenzi sarawâña kala ipânga pa Maro Ñalae, i Walo Tamwata, aku ilonjo lâ.

⁵ Ikura zo rârâni miki kamo tâno kulu, ande miki uru kakai mbaliña arara kie-kie, kala kamo kandeka nâ. Miki uru kaka kâpwa ñalae, kala katumbu ñalañala lâ. Mine nde miki katogo ngoa itumbu ñalae, ñineña tamâta sipu pâta imâte.

⁶ Miki uru kaonzi tamâta arara lâ ñgua nia, ñineña kapunzi pâta simâte. Andeta kinzi ñandai miki nemi kazâña tamâta nga.

Ara ñana kinda ma tatu ilonda keno mwasa ñana takale malia kâ

⁷ Mine nde ñingu-nambwe wukale, ara ñana miki ma katu ilomi keno mwasa ñana kakale malia kâ, aku kao tinimi pa Maro Ñalae ne zo ñana itaulo imâ kilo kâ. Kalomi ñgere ñana ñine kâ: kinda uru tao tininda ñana kâpwa ara tu

ipângga lâ tâno ilo, aku tatu ilonda keno mwasa ku tao tininda pa karâzi tu ma isuka tâno.

⁸ Aku ara ñana miki kala ma katu ilomi keno mwasa mine nâ ñana kakale malia kâ. Aku kamandi kaika nâ, ñana tu Maro Ñalae ne zo ñana itaulo imâ kilo kâ ande imâ ipângga laiti lâ.

⁹ Ninggu-nambwe wukale, miki ma wisimi nâna panzi ninda-nambwe kalo-tawana tamâta ku kaporo ñgua nao-muli panzi, mine ndimo. Tia ma Maro Kindeni io miki lâ i ne ñgua nia ñana ipare nia pami. Miki kalonjo ñga; tini nâ ñga Ñgua-Samâña Tamwata ñinde ma imâ ipângga.

¹⁰ Ninggu-nambwe wukale, ara ñana miki ma kalomi ñgere ñananzi ñgua-tulâña tamâta munğâña, kinzi ñinde munğa situla Maro Ñalae kawa ñgua. Lâ zo ñinde, nenzi kazâña tamâta uru siveta kenzi sakamao ndo panzi, andeta kinzi situ ilonzi keno mwasa aku sikale malia ñinde. Ara ñana miki kala ma kaveta ikura nenzi vetâña mine.

¹¹ Kinda uru taporo ñgua mine; “Tamâta ea kinzi situ ilonzi keno mwasa ñana sikale malia kâ, ande kinzi ñinde sikura ñana sindeka kâ”. Aku miki kalonjo Jop parina lâ tu i itu ilo keno mwasa ku ikale malia kie-kie ipângga papa i ñinde. Aku miki kasama tu muli, ande Maro Ñalae iveta kie ara ndo pa Jop. Mao nâ, Maro Ñalae kalo sukâña ndo pa kinda, aku i nao mwasa nâ pa kinda.

Kinda ma tasarâwa pa sâ tonje ñana isuka kinda nenda ñgua pâña, mine ndimo

¹² Niŋgu-nambwe wukale, nanenŋu ŋgua ŋine nde ŋalae tina; miki ma kasarâwa pa samba wa tâno wa kelekele tonŋe ŋana isuka nemi ŋgua pâŋa, mine ndimo. Ambo miki kapambwâre ŋana kaveta vetâŋa tonŋe, ande ara, kaveta ikura warakami kawami mine. Ambo miki ma kaporo tu, “Naŋa ma aveta vetâŋa ŋinde tia”, ande ara, kaveta ikura warakami kawami mine. Ambo miki ma kasarâwa pa sâ tonŋe tu isuka nemi ŋgua, ande Maro Kindeni ma iomi lâ i ne ŋgua nia.

Maro Kindeni uru ipaloŋo pa tamâta ara nenzi noŋa

¹³ Ambo malia ipâŋga pa tamâta tonŋe lâ miki ŋginimi, ande ara ŋana tamâta ŋinde ma ikai noŋa pa Maro Kindeni ŋana isuka i kê. Ambo tamâta tonŋe ilo ndeka, ande ara ŋana i ma iwâŋgi wâŋgiŋa paneâŋa kê pa Maro Kindeni.

¹⁴ Ambo tamâta tonŋe lâ miki ŋginimi ikai pukoŋa, ande ara ŋana i ma ipasupwa ilâ panzi kalo-tawana tamâta ŋgu nenzi katonâŋa tu ma simâ kuku. Ninenŋa kinzi ma sino pa Maro Ŋalae, ku ma sikai i ndamwa ku siyoli samimi lâ pukoŋa tamâta ŋinde tini.

¹⁵ Ambo nenzi kalo-tawana ikeno mao pa Maro Kindeni, kala sikai noŋa mine papa i, ande Maro Ŋalae ma izavaru pukoŋa ŋinde piti lâ tamâta ŋinde tini, aku ma tini ara kilo. Ambo tamâta ŋinde muŋga iveta kiesaka, ande Maro Ŋalae ma izavaru kiesaka ŋinde piti lâ i tini tona.

¹⁶ Mine nde ara ŋana miki kalo-tawana tamâta taitu-taitu ma kapatula nemi kiesaka pa

nawalami, aku kano pa Maro Kindeni tu ma isukami. Ambo miki ma kaveta mine, ande Maro Kindeni ma ivetami tinimi ara kilo. Ambo tamâta tonje imo tamâta sondo lâ Maro Kindeni nao, aku ikai noja papa, ande Maro Kindeni ma ipalojo pa tamâta njinde ne noja. Kinzi tamâta mine nenzi noja ma sikai kanao.

¹⁷ Ngua-tulâja tamâta munğâja Ilija, ande i tamâta nâ, itogo kinda mine. Andeta i ino kaika pa Maro Kindeni tu ma isae nzâla pa karâzi njana indue imâ tia kâ. Njineja karâzi imbe indue tâno kulu tia ndo lee, ikura mbwera njato aja nzimona lima kanao taitu lâ.

¹⁸ Aku muli, njineja ikai noja kilo, aku karâzi imbe indue, kala kâpwa ipâja tâno ilo kilo.

Ambo tamâta tonje iveta kiesaka, ande ara njana kinda ma takai i taulo pa nzâla ara kilo

¹⁹ Njingu-nambwe wukale, ambo tamâta tonje lâ miki njinimi ipu muli pa Maro Kindeni ne ngua mao ku ilâ iveta kiesaka, njineja i ninambwe tonje ikai i taulo imâ pa nzâla ara kilo, ande ninambwe njinde iveta kie ara ndo papa i.

²⁰ Miki kalomi ngere sondo njana njine kâ; ambo tamâta tonje itu ipono muli pa kiesaka, andeta ninambwe tonje isuka i njana ipile nzâla sakamao njinde, kala itaulo imâ pa Maro Kindeni kilo, ande njinde itogo i ninambwe njinde ikai tamâta njinde piti lâ nzâla njinde ilâ pa matera kâ. Aku Maro Kindeni ma izavaru i ne kiesaka piti lâ i tini tona.

MARO KINDENI KAWA NGUA
The New Testament and Psalms in the Sio Language
of Papua New Guinea
Nupela Testamen long tokples Sio long Niugini

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

PDF generated using Haiola and XeLaTeX on 18 Apr 2025 from source files dated 31 Aug 2023

b3b81168-89df-5bc3-8b0c-cf72ef93d3de